

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

i

Grupa ponuđača – konzorcij AC QUATTRO d.o.o. Sarajevo, Put života 1, ID broj: 4200018440001 i PORSCHE INTER AUTO BH d.o.o. Sarajevo, Bulevar Meše Selimovića 16, ID broj: 4202574310004, koga zastupa ispred člana konzorcija AC QUATTRO d.o.o. Sarajevo direktor Mirza Alispahić i ispred člana konzorcija PORSCHE INTER AUTO BH d.o.o. Sarajevo direktor Vaszi Andor Alex (u daljem tekstu: Dobavljač)

zaključili su:

UGOVOR O REDOVNOM ODRŽAVANJU MOTORNIH VOZILA MARKE VW U GARANTNOM ROKU (LOT 1)

Član 1.

Predmet ovog ugovora je nabavka usluga redovnog održavanja motornih vozila marke VW u garantnom roku (LOT 1), za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu odluke broj 02-11-4-3208/20 od 17.08.2020. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama okvirnog sporazuma broj 02-11-4-3208-9/20 od 16.10.2020. godine i stvarnim potrebama Ugovornog organa.

Ponuda broj 49/20 sastavni je dio ovog ugovora.

Član 2.

Usluge iz člana 1. ovog ugovora će se izvršavati sukcesivno, prema narudžbama Ugovornog organa, u zavisnosti od potreba Uprave policije, u iznosu do 65.000,00 (šezdesetpethiljada i 00/100) KM bez PDV-a.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora pružati usluge redovnog održavanja vozila u garantnom roku za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Dobavljač ne dostavi garanciju za uredno izvršenje ugovora u predviđenom roku ugovor se neće smatrati zaključenim.

Član 4.

Medusobna prava i obaveze između članova Grupe ponuđača-Konzorcij u ostvarivanju poslovne saradnje i drugim pitanjima poslovnog povezivanja, utvrđena su Ugovorom o konzorciju broj 118/20 (AC QUATTRO d.o.o. Sarajevo) i PIA-U-231/20 (PORSCHE INTER AUTO BH d.o.o. Sarajevo) od 28.08.2020. godine.

Na osnovu ugovora zaključenog između članova Grupe ponuđača-Konzorcij, broj 118/20 (AC QUATTRO d.o.o. Sarajevo) i PIA-U-231/20 (PORSCHE INTER AUTO BH d.o.o. Sarajevo) od 28.08.2020. godine kao vodeće društvo u Konzorciju određuje se AC QUATTRO d.o.o. Sarajevo.

Vodeće Društvo vrši korespondenciju i usaglašavanje sa Ugovornim organom, te prati sprovođenje realizacije pojedinačnih ugovora zaključenih na osnovu ovog okvirnog sporazuma.

Ugovor o konzorciju broj 118/20 (AC QUATTRO d.o.o. Sarajevo) i PIA-U-231/20 (PORSCHE INTER AUTO BH d.o.o. Sarajevo) od 28.08.2020. godine je sastavni dio ovog ugovora.

Član 5.

Ugovorom o konzorciju broj 118/20 (AC QUATTRO d.o.o. Sarajevo) i PIA-U-231/20 (PORSCHE INTER AUTO BH d.o.o. Sarajevo) od 28.08.2020. godine, članovi Konzorcija su se saglasili da se usluge redovnog održavanja motornih vozila VW (LOT 1) vrše na dvije adrese, i to: Put života 1 i Bulevar Meše Selimovića 16 u Sarajevu, a prema tabeli koja je data u navedenom ugovoru.

Član 6.

Ugovorni organ će ugovorenu cijenu plaćati u roku od 30 (trideset) dana od dana uredno izvršene usluge i dostavljanja fakture, na tekući račun članova konzorcija.

Svaki član konzorcija će ispostavljati fakture za usluge koje je uredno izvršio na motornim vozilima, u skladu sa članom 5. ovog ugovora.

Član 7.

Dobavljač se obavezuje da će:

- Stručno i kvalitetno obavljati usluge održavanja motornih vozila Ugovornog organa u garantnom roku
- U roku od 24 sata od momenta najave od strane Ugovornog organa motorno vozilo uzeti u rad
- Na svom lageru obezbjediti neophodne rezervne dijelove za održavanje vozila uz prethodno dostavljenu specifikaciju Ugovornog organa
- Sve intervencije na vozilima Ugovornog organa vršit će se u skladu sa uputama proizvađača istih
- Vršiti preventivne preglede motornih vozila i obavezan je voditi ažurnu evidenciju o izvršenom redovnom održavanju, preventivnom pregledu vozila kao i o zamjenjenim rezervnim dijelovima, odnosno navedeno evidentirati u servisnoj knjižici za svako pojedinačno vozilo.

Član 8.

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 9.

U slučaju kašnjenja u pružanju usluga, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

Član 10.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti odgovarajuće dokaze.

Član 11.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ je dužan dostaviti pismeno obavještenje o svakom propustu Dobavljača.

Ugovorni organ će utvrditi razuman rok za ispravak propusta Dobavljača u smislu izvršene usluge.

Član 12.

Ugovorni organ zadržava pravo raskida ovog ugovora ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 13.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 14.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 15.


Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, utvrđuje se nadležnost Suda u Sarajevu.

Član 16.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.


Ugovor stupa na snagu danom potpisivanja ovlaštenih predstavnika i traje do realizacije ugovorene vrijednosti, odnosno do izmirenja dužničko-povjerilačkih odnosa, a najduže 1 (jednu) godinu od dana potpisivanja ugovora obje ugovorne strane.

DOBAVLJAČ
AC QUATTRO d.o.o Sarajevo


Direktor Mirza Alispahić

Broj: 53/21
Datum: 26.03.2021.

PORSCHE INTER AUTO BH
d.o.o. Sarajevo


direktor Vaszi Andor Alex

Broj: PIA-V-202/2
Datum: 22.04.2021.

UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Nusret Selimović

Broj: 02-11-4-3208-11/20
Datum: 22.03.2021. godine